

Broj: 578-10-SH/22

Datum: 01.04.2022. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14), člana 15. Pravilnika o javnim nabavkama Lutrije BiH br. 2805/19 od 17.09.2019. godine i Zapisnika o pregledu i ocjeni ponuda Komisije za javne nabavke br. 578-09-SH/22 od 31.03.2022. godine, direktor Lutrije Bosne i Hercegovine, donosi

ODLUKU

o izboru najpovoljnijeg ponuđača po konkurentskom zahtjevu za dostavljanje ponude za javnu nabavku br. 020/22 od 08.03.2022. godine za LOT 1, LOT 2 i LOT 3

1. Kao najpovoljniji ponuđač po konkurentskom zahtjevu za javnu nabavku roba br. 020/22, objavljenom na portalu javnih nabavki BiH pod brojem 523-7-1-24-3-30/22 dana 08.03.2022. godine, a u skladu sa Zapisnikom o pregledu i ocjeni ponuda Komisije za javne nabavke, *Tehnička oprema u svrhu organizovanja nagradnih igara Lutrije BiH*, izabrane su ponude sljedećih ponuđača (po LOT-ovima):

LOT 1: Smart TV za nagradne igre Lutrije BiH

„DOPER-TECH“ t.r. Kiseljak sa cijenom u iznosu od 4.752,14 KM bez PDV-a.

LOT 2: Laptopi za nagradne igre Lutrije BiH

“ASPO RAIL” d.o.o. Sarajevo sa cijenom u iznosu od 7.994,00 KM bez PDV-a.

LOT 3: Mobiteli za nagradne igre Lutrije BiH

“ASPO RAIL” d.o.o. Sarajevo sa cijenom u iznosu od 5.988,00 KM bez PDV-a.

2. Ponude ponuđača iz tačke 1. ove odluke ocijenjene su prihvatljivim, jer ispunjavaju sve uvjete naznačene u Tenderskoj dokumentaciji, a u skladu sa kriterijem za dodjelu ugovora ponuđači su ponudili najnižu cijenu.
3. Izabranim ponuđačima ponuditi dodjelu Ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

Obrazloženje

U predmetnom postupku dostavljene su dvije ponude za LOT 1 i to ponuđača “DOPER-TECH“ t.r. Kiseljak i “ASPO RAIL” d.o.o. Sarajevo, te po jedna ponuda za LOT 2 i LOT 3 i to ponuđača “ASPO RAIL” d.o.o. Sarajevo. Komisija za javne nabavke Lutrije BiH, imenovana Rješenjem broj 03-2795/21 od 31.12.2021. godine, izvršila je pregled i

evaluaciju dostavljenih ponuda, te je konstatovala da su dostavljene ponude za LOT 1, LOT 2 i LOT 3 prihvatljive. Također, Komisija je konstatovala da nije dostavljena nijedna ponuda do krajnjeg određenog roka za LOT 4. Nakon izvršenog pregleda i evaluacije dostavljenih ponuda, Komisija je dostavila direktoru Zapisnik o pregledu i ocjeni ponuda broj 578-9-SH/22 od 31.03.2022. godine zajedno sa preporukom o izboru najpovoljnijeg ponuđača za LOT 1, LOT 2 i LOT 3, a nakon održane e-Aukcije za LOT 1. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama Lutrije BiH i tenderskom dokumentacijom.

Izabrani ponuđači su dostavili prihvatljive ponude u skladu sa uvjetima naznačenim u tenderskoj dokumentaciji i kriterijem za dodjelu ugovora, te su ponudili najnižu cijenu. E-Aukcija nije održana za LOT 2 i LOT 3 iz razloga što je dostavljena jedna prihvatljiva ponuda.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku javne nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 5 (pet) dana od dana prijema ove odluke.



Dostaviti:

- Sektor za pravne i opšte poslove
- Sektor za finansijske poslove
- Ponuđači po javnoj nabavci broj 020/22
- Komisiji za javne nabavke
- Nadzornom odboru
- a/a.

DIREKTOR

Edhem Pašukan

